

印刷品

05078

洞天奥旨

福建中医学院图书馆

地址：福州市槐兜

洞天奧旨卷之九

山陰陳士鐸敬之甫號遠公著

曾孫陳鳳翔羽儀甫梓

會稽陶式玉尚自甫號存齋評

立孫增方湖洞氏核

杖瘡

杖瘡受官刑而成瘡也氣血有餘易于生合氣血不足難
子化消倘受刑少者血不凝滯受刑多者血必穢凝受刑
輕者氣不蕭索受刑重者氣必敗殘蓋刑輕刑少忍痛而
斷不叫號刑重刑多悲傷而自多涕泣此氣血所以愈虧

也倘受刑之先身體原弱而不強則惡血奔心往往有死者必瀕活其血而補其氣敗其毒而消其火然後外用膏藥貼之或末藥敷之不至死亡也

調中化淤湯 巫彭真君傳內治杖瘡神效服之無

性命之憂

當歸 五錢
生地 五錢
三七根末 三錢
丹皮 二錢

白芍 三錢
生黃芪 三錢
生甘草 一錢
大黃 一錢

枳殼 三分
虛極者加人參 三錢
水一碗童便一碗

同煎服二劑淤血即散外用末藥膏藥貼之即愈

仙花散 外治杖瘡

鳳仙花葉 搗汁 馬齒莧 搗汁 黃蠟 二兩

葱白 搗汁 松香 二兩 五倍子 為末 乳香 二錢 將鳳仙

葱莖先搗取汁二碗將黃松香 熬膏 入倍子末攤

膏貼之自愈

禿瘡

禿瘡乃足太陽膀胱督脈二經受濕熱故生蟲作癢其實亦因父母生兒之前不節色慾或服熱藥浪戰頻頻泄精以致胎中受毒不能節散而小兒之首受之毒輕者瘡輕

毒重者瘡重既生之後小兒或食煎炒之味或多飲水菓
或多受暑風而頭上禿瘡因而生蟲痂高堆起白屑滿盈
終年累月而不愈矣瘡輕者外治即痊瘡重者必須內外
兼治庶易愈也世人多不急治所以多累竟至蟲蝕髮盡
成爲禿子耳

蠟蜂丹 外治禿瘡

蝸牛 十個
黃蜂窠 二錢
生甘草 一錢
白礬 一錢
將蝸牛

搗爛塗禿遍透後將下三味研爲細末猪油調敷

如用熊油調搽更妙

清苜湯 內治禿瘡

玄參 三錢 生甘草 一錢 茯苓 二錢 白芷 一錢

山荳根 五分 紫草 一錢 黃柏 一錢 蔓荊子 一錢

白蒺藜 一分 半夏 五分 水煎服四劑後以前方外治

無後患也此方以十歲為準年小減之

魚臍瘡

魚臍瘡生于肘肚乃手少陰心經也此處屬少海靈道之穴生于小腿肚者乃足太陽膀胱經也此處屬承山飛揚之穴上下二處之瘡其疼痛皆甚初起一二日先用灸法

最易解散心經多氣少血膀胱經多血少氣少血者宜補
 血以消毒少氣者宜補氣以消毒然氣血雙補而佐之消
 毒之藥更佐以引經之品何瘡之不速愈乎俗名魚臍疔
 治法正同耳

化魚湯 巫彭真君傳治魚臍瘡疔不論肘腿俱效

金銀花 一兩 當歸 五錢
 生甘草 二錢 青黛 二錢

地榆 二錢 白礬 一錢
 生黃芪 五錢 水煎服

陰包毒瘡

陰包瘡生于大腿內廉之上乃足肝經風熱之毒也肝木

多血少氣之經若生此瘡必然疼痛治法必須補氣以解風熱則已潰未潰尤易散也外用膏藥貼之更效如神

黃芪散陰湯 治腿內外股瘡毒疽癰

生黃芪 五錢 柴胡 一錢五分 白芍 五錢 炒梔子 一錢五分

大力子 一錢 甘草 二錢 連翹 一錢 金銀花 一兩

肉桂 三分 薏仁 五錢 半夏 一錢 水煎服

燕窩瘡羊鬍瘡

燕窩瘡生于腦後項之窩乃足太陽兼督脈之經也羊鬍瘡生于下唇下巴骨之處乃任脈之經承漿地閣穴道也

司... 陰包毒瘡

兩處生瘡多是感犯濕氣濕久則熱熱久則毒難化矣干是氣血不通濕熱不散而瘡有經月不愈者在小兒尤多倘內服除濕清熱之味以消太陽在督之毒外用藥搽之或搽之則瘡即結靨而愈矣

除濕清熱散 家傳內治燕窩瘡羊鬍瘡神妙

茯苓 二錢
炙甘草 一錢
白朮 一錢
白芷 五分

蒲公英 二錢
澤瀉 一錢
猪苓 一錢
蒼朮 一錢

羌活 五分
天花粉 一錢
水煎服

神異丹 巫真君傳外治燕窩羊鬍瘡最妙

輕粉 一錢
兒茶 三錢
黃丹 二錢
炒黃柏 三錢

枯礬 五分
冰片 三分
各爲末濕則乾摻乾則用麻

油調敷數日卽愈

胎毒瘡戀眉瘡

瘡生于頭上眉上終年終月而不愈皆受母胎之毒也似與禿瘡相同然而禿瘡止生于頭而不生于眉也今頭與眉俱生尤胎毒之重者也故禿瘡可以外治而戀眉之瘡必須內外兼治倘瘡止生頭上用清首湯妙矣或兒畏湯劑不肯吞服亦可止用蝸蜂丹外治無不愈者若頭眉俱

生必須先服清首湯另用釋眉丹外搽不至晡纏歲月也

清首湯 治胎毒瘡

載禿瘡門

釋眉丹 治戀眉瘡

黃連

五分油調塗盤內艾烟熏過入

皂礬

一分為末

輕粉

一分末

冰片

半分末

麻油少許再調塗之數次全愈或用膠

髓膏亦神效載在奇驗方門

肺風瘡鼻瘡

肺風齧鼻瘡生于鼻而之間乃肺經之病也夫肺開竅于

鼻肺氣不清而鼻乃受害矣鼻既受害遂沿及于面世人不知肺經有病或冷水洗面使熱血凝滯因結于面而生瘡矣治之法必須清肺氣而兼消其風活肺血而再祛其火然後用搽藥外治未有不速痊者也

加味甘桔湯 治肺風齕鼻瘡

桔梗 三錢
甘草 一錢
甘菊 二錢
青黛 二錢

茯苓 三錢
白附子 八分
天花粉 二錢
白芷 五分
水煎服

杏黃散 載後

粉花瘡裙邊瘡

粉花瘡生于人面窠癭生癢乃肺受風熱也此瘡婦女居多蓋絞面感冒寒風以致血熱不活遂生粉刺濕熱兩停也裙邊瘡者亦婦女生于內外足踝之骨或裙短而不能遮風又不慎房帷乃致足寒而濕熱不行凝滯而生瘡也粉花瘡輕于裙邊以上濕易散上熱易化而下之濕熱未易消也故粉花瘡止消外治若裙邊瘡必兼內治始妙也

二粉散

載後

大風膏

載後

五色湯

巫彭真君傳內治裙邊瘡

茯苓 二錢
薏仁 三錢
黃栢 一錢
黃芪 三錢

荆芥 一錢
紅花 一錢
烏栢根 三錢
白礬 一錢
水煎服

服數劑外用大風膏調搽自愈

臟毒痔漏瘡

痔瘡生于谷道肛門之邊乃五臟七腑受濕熱之毒而生者也故瘡亦甚多形亦不一有狀似菱角者有狀似蓮花者有狀似穿腸者有狀似鼠奶者有狀似花瓣者有狀似蜂巢者有狀似懸珠者有狀似鈎腸者有狀似核桃者有狀似栗子者有狀似雞冠者有狀似珊瑚者有狀似擔腸

者有狀似垂珠者有狀似雞心者有狀似牛妳者有狀似羊妳者有狀似串醫者有狀似翻花者有狀似氣突者有狀似血射者更有外無形而內苦者有內外俱無形而齊苦者摠之初生之時形小久則形大矣初有形之時痛尚可忍久則痛不可忍矣雖痔之形狀甚多而犯濕熱則一也夫濕熱亦易消之病何愈消而愈痛乎皆因不守禁忌貪色慾而不止饜食味而無窮遂至痔變爲漏矣痔易治而漏難治也蓋痔有諸形之異而各無孔竅之破服藥尚無漏卮之虞一至成漏服飲食則泄氣矣吞藥餌則損血

矣血損氣泄何能成功哉况好色者多斷慾者少欲奏異
績實非易事且肛門糞口上通大小之腸前達任脈後達
督脈其皮肉橫中有直正中有斜一經破損難于生合且
成漏卮損傷皮肉尾閭不閉其何能合乎人背節慾則漏
猶未甚而無如明知故犯者又甚多乎所以漏病之輕重
專分于慾事之多寡大約漏病有八一曰氣漏二曰風漏
三曰陰漏四曰冷漏五曰色漏俗名痔漏六曰血漏俗名
熱漏七曰偏漏俗名瘦痞漏八曰痿漏俗名痿腮漏氣漏
一者時腫時消疼脹難忍也風漏者孔竅作癢也陰漏者男

婦陰內疼痛出水也冷漏者孔內出白膿也色漏者犯色
流膿流精也血漏者時流鮮血也偏漏者肛門之外生孔
竅出膿血也痿漏者瘡口黑爛出黃黑水也世人治法多
用刀鍼掛線益增疼痛反耗氣血若不節食斷色未有能
生之者或用薰洗點搽之藥多有愈者然內無藥餌療之
亦虛歲月矣人能絕嗜慾慎氣惱澹滋味內服丸散外用
洗敷雖老人尚易奏績矧中年者哉漏瘡多生于肛門谷
道然亦有生于身上面上手足之上者此皆生他疽他毒
久已收口不慎色慾泄精以傷化氣血一泄不已又泄又

不已至于三泄而瘡乃成管終年流水流膿變成漏矣此等漏瘡較谷道肛門者少輕惟生于胸膈者頗重必須大補氣血斷慾半載加之補漏神丹服之則愈

榆羊丸

仲景張真君傳治痔瘡各痔無不神效

地榆

二兩

當歸

三兩

羊蹄後壳

三副
土炒

共爲末飯爲

丸口三服于末飲食飯前服之每服三錢一月卽

愈不再發地榆出臟之濕熱也當歸補新血也羊

蹄殼直達于直腸故用此爲使且此物亦去濕熱

故相濟成功

牆苔散 秦真人傳治痔漏久不愈者神效不測

綠苔

要牆上生者刮下五錢火焙乾為細末

羊爪殼

五副用後蹄不用前爪

炒白朮

一兩

茯苓

二兩

槐花

五錢

白芷

一兩

共為細

末米飯為丸每日臨臥先服一錢後歷之美膳一

月即內消管化烏有矣

參龜丸

鬼真君傳治各痔漏神效

人參

一兩

瓦菘

乾者三錢

此物最不肯乾佩身半月即

乾妙在取人之氣茯苓

五兩

活龜

一個

將前藥名

為末以綿紙同龜包之十餘層則龜不能出渺火

焙之龜死則用武火焙之龜死則將藥末取出另包惟焙龜乾搗碎再焙乾全身用之同藥密爲丸每日只消服三十丸不必服一料半料而漏管俱消而愈此方至神至聖但服此方至瀕忌房事三月鵝肉則終身忌之犯則痛生急以瓦菘數條加皮硝數錢煎湯熱熏溫洗可救前方不可妄自加減一加減則不效矣用紙包龜者取龜聞藥而死也尤善消痔漏也否則功減半矣

補漏神丹

南陽張真君傳治胸膈漏瘡并頭面手

足漏瘡俱神效

人參 五兩 白朮 三兩 炙黃芪 八兩 金銀花 四兩

當歸 二兩 人指甲 三錢 各為細末蜜為丸每日服三

次每服五錢一料必愈忌鴉肉一載房事三月如

面漏加白芷 四錢 頭上加川芎 一兩

重塗法 醫方摘要治痔瘡腫痛

皂角 三挺 火燒烟先熏之後以鵝膽汁調白芷末

塗之即消用鬱金末水調塗亦消也

墨汁散 保壽堂方治痔漏瘡發

旱蓮草 一把根鬚洗淨用石臼搗如泥 以極熱酒一盞衝入取汁

飲之滓敷患處重者不過三服即安

傳家秘方 治腸風痔漏

葶藶貫衆 去土等分 為末每服三錢溫酒空心服之

四聖丹 治痔漏如神

蜂房 一個淨全用去蟲將食鹽填于孔內陰陽瓦焙乾為末

地龍 去泥淨陰陽瓦焙乾為末五錢 螻螂 取米頭者佳陰陽瓦焙乾為末三錢

廣木香末 三錢 象牙 三錢 乳香 去油三錢

瓜兒血竭 淨末五錢 飛礬末 三錢 槐子 炒黃為末三錢

沒藥 三錢 提淨黃蠟 八兩 滾化 入前藥和勻爲丸

每日清晨酒服三錢如不能飲清湯下

狗腸丸 治漏瘡神效

黑狗腸

一副煮爛加

象牙末

四兩

細茶末

四兩

倍子末

四兩

連腸爲末如梧子每服淡鹽湯飢服

三錢如不能丸少加煎蜜爲丸一料必愈忌煎炒

熱物尤忌房事狗腸乃直也象牙脫管也

陰囊破裂漏水瘡胞漏瘡

陰囊之外破裂漏水此非痔漏之漏也乃楊梅毒氣未散

結于囊中也然而楊梅瘡生于身上既已全愈何外囊獨
留毒乎蓋服敗毒之藥過多必傷元氣則膀胱之氣難化
而毒尚存于囊中矣所以破裂漏水也治之法必須補氣
以健膀胱益之分消之藥為妙斷不可更服祛毒之味重
傷元氣也胞漏者囊中起窠子作癢乃搔抓破損而水遂
外滴尚不至破裂而漏水此乃肝經濕熱非膀胱受毒也
分消肝經之濕熱亦易奏功耳

土茯苓散

家傳內治陰囊破裂漏瘡

土茯苓

一兩

白茯苓

三錢

薏仁

五錢

肉桂

三分

金銀花 一兩 人參 二錢 白朮 二錢 車前子 二錢 水煎服

數劑外用炒黃柏 一錢 輕粉 三分 日茶 三錢

冰片 一分 各為末摻之即愈

逐濕湯 治胞漏

牽牛 一錢 大黃 一錢 木通 一錢 黃柏 一錢

芍藥 五錢 牛旁子 一錢 茯苓 三錢 茵陳 一錢 水煎服

二劑漸愈再用前未摻之即痊

雌雄狐刺瘡

狐刺瘡生于手上有雄有雌雄者單而雌者偶前人謂雄

者止生一個雌者生有五七個誤也瘡內生有亂絲瘡外
生有小刺雌雄無異正不必過分也大約生雌雄瘡者無
不疼痛無非受竹木簽傷破皮破肉而成之也治法先用
生甘草枸杞根等物煎湯洗之後用桑粉丹敷之即愈

桑粉丹 治雄雌狐刺瘡神效

桑條

燒灰存性三錢

輕粉

一錢

雄黃

一錢

貝母

一錢

各為末

先以甘草枸杞各三錢煎湯一碗洗瘡口淨多浸

一會後以此四味研人米醋少許調稀人瘡口滿

頻頻換之待刺去自生肌矣

水流麻根瘡

麻根瘡生于足後跟之下色赤皮爛內有肉絲縷縷狀似麻根故以麻根名之足跟本屬足太陽之經多血少氣而人又好色者多節慾者少必至氣亦傷矣不止血之不足也况房事不節則精既耗散血不更損乎是氣血兩虧尤難醫療也治法必須用十全大補湯補其陰陽更用腎氣丸以填其精髓則氣血齊足而瘡毒易散然後用外治末藥敷之始得奏功更宜絕慾爲妙否則毒不能去肌不能

生亦可畏也

十全大補湯 載後

腎氣丸

輕粉 三分 生甘草 五分 黃柏 一錢 銅綠 三分

乳香 五分 冰片 一分 黃丹 五分 沒藥 三分 各研絕

細末先用苧麻根 一把 苦參 二錢 煎湯一碗洗瘡

臭腐後用此方藥末摻之而愈

肥粘瘡

肥粘瘡多生于小兒頭上俗名肥瘡頭上乃太陽經也身感風熱不散而毒乃浮于頭上遂生此瘡初生之時多黃

膿暴出流粘髮根與禿瘡無異然禿瘡乃胎毒而肥粘非胎毒也以小兒好食水菓濕氣留中一遇風熱聚而外出或油手抓頭或剃刀傳染初生一二久則遍頭皆是蓋濕熱生蟲也治法先用槐條煎湯洗淨後用末藥外治不數日即愈也

菊粉散

巫真君傳治肥粘瘡

黃菊花

五錢

燒灰

烟膠

二錢

輕粉

一錢

枯礬

一錢

黃丹

二錢

各爲末濕則乾搽乾則用猪油熬熟搽

之神效

十日瘡

十日瘡生于人之手足上一名疣瘡一名癩子一名悔氣瘡狀如魚鱗排集層疊不已不痛不癢生十日自落故又以十日瘡名之或用雞脛皮擦之自愈初生時艾灸第一個卽落不再生或用蜘蛛絲採來纏于根下不數日亦落也

齒垢散 治疔子神效

用人齒上垢不拘多少先用手將疔子抓損後以人齒上垢敷之口數次數日自落

時毒暑癩

身生癩毒乃夏天感暑熱之氣而又多飲凉水冷湯或好
食生菓寒物以致氣不流通血不疏泄乃生毒癩矣雖癩
疽瘡癩多是相同而感生瘡癩則少輕也小兒多生此瘡
然重者身必發寒發熱作膿而痛盡是陽瘡半發于頭上
間發于身體手足不若癰疽之症有七惡之險內用清暑
解火外用活血生肌膏藥末藥審而治之何難速效哉

解暑敗毒飲

- 香茹 二錢
- 蒲公英 二錢
- 青蒿 二錢
- 茯苓 二錢

甘草一錢
歸尾一錢
黃芩五分
黃連五分

大黃八分
天花粉一錢五分
水煎服十歲小兒如此大

人增半小兒五歲者減半服後用膏藥可也

齒踞

齒踞者齒斷上長出如雞足踞長一二寸者有之初生之時微痛後則痛漸重矣往往有爛之而痛難忍者夫齒之上斷本屬足陽明胃經也胃經有毒故長齒斷也齒之下斷又手陽明大腸經也倘斷下長出屬大腸經矣總用芫花二錢煮絲線繫之二日卽落更用分經之藥以泄其毒

則踞落不再長也

曰殼瘡

白殼瘡生于兩手臂居多或有生于身上者亦頑癬之類也如風癬花癬牛皮癬楊梅癬皆因毛竅受風濕之邪而皮膚無氣血之潤毒乃附之而生癬矣此等之瘡非一二劑補氣補血可以速愈也故必須外治爲妙更有一種小兒食母之濕乳流落唇吻積于兩頰間亦生癬瘡名曰濕奶癬與前瘡少異蓋風花牛皮楊梅癬多是風燥之瘡而奶濕瘡實濕症也惟瘡皆白殼無他異耳故皆以白殼名

之大約白殼瘡俱用治頑癬方多效獨溫奶瘡用粉霜散而效速不必用頑癬之方耳

頑癬方

天師

張真君傳方載後治白殼瘡癬

粉霜散

治溫奶白殼瘡

羊蹄根

三錢

輕粉

一錢

白礬

一錢

天花粉

二錢

冰片

一分

兒茶

一錢

各爲末醋調搽之一二次卽

效

人身

外之

洞天奧旨卷之十

山陰陳士_辭敬之甫號遠公著

會孫陳鳳翔_義甫梓

會稽陶式玉尚自甫號存齋評

立孫增方湖泗底稜

鼻癭鼻痔

鼻癭者生于鼻孔之內其形塞滿竅門而艱于取息故名
曰鼻癭也鼻痔者亦生鼻內畧小于鼻癭狀如櫻桃枸杞
皆肺經受毒氣不能消濕熱壅滯而生此二病也內治必
須清肺為主而佐之除濕降火之味外川藥點搽亦易愈

也

分消湯 內治鼻癰鼻痔

黃芩 一錢
炙甘草 一錢
青黛 二錢
桔梗 三錢

天花粉 二錢
麥冬 二錢
天冬 二錢
連翹 三錢

苦丁香 五分
水煎服 四劑

礪砂散 外治鼻癰鼻痔

礪砂 一錢
輕粉 二分
水片 五厘
雄黃 三分
共為細

末用桔梗咬毛蘸勤點癰痔上日五六次自然漸

化為水然必須戒色慾始愈

千金方 治鼻中息肉

明礬 一兩 蓖麻仁 七個 鹽梅肉 五個 麝香 一字 杵丸綿

裹塞之化水自下也聖濟總錄用青蒿灰石灰各

等分淋汁熬膏點之亦效

嵌指

嵌指者雖生脚指甲上此蓋因踢感傷損或靴鞋短窄屈其甲而不得伸以致蹉踏不安致甲長于肉內內無可容破而流水未免步履更艱已傷益傷而作痛甚至不可忍也百治不痊者誤認指疔妄用敗毒之藥反耗氣血而

不能愈耳湏令脩脚人輕輕脩去肉內之甲然後以生肌散敷之未有不愈者矣

肘後方 治足趾甲入肉作瘡不可履靴

礬石燒灰細細割去甲角用礬石末傅之蝕惡肉生好肉旬日即愈神效

二黃礬香散 醫方摘要治婦人趾甲生瘡惡肉突出久不愈

皂礬日曬夜露每以一兩煎湯浸洗仍以礬末一

兩加雄黃二錢硫黃一錢乳香沒藥各一錢研勻

搽之

鵝掌風

鵝掌風生于手掌之上古書云人生楊梅瘡時食食鵝肉
因生鵝掌之風然亦有不慎房事泄精之後或手洗涼水
或足犯雨露皆能感生此瘡不獨犯于手掌而兼能患于
足面白屑堆起皮破血出或疼或癢者有之乃心腎二經
乘虛而受毒也內治用六味地黃湯加柴胡麥冬白芍苜
蒲之類治其心腎最神外用熊脂膏塗而烘之不一二次

卽愈

加味地黃湯 祖傳內治鵝掌風足癬

熟地 八兩 山茱萸 四兩 山藥 四兩 丹皮 三兩

澤瀉 三兩 柴胡 一兩 麥冬 三兩 當歸 三兩

白芍 三兩 肉桂 一兩 菖蒲 五錢 茯苓 三兩 各為末

蜜為丸每日早晚空腹滾水送下各 五錢 一料即

愈

熊脂膏 治數十年鵝掌風

熊油 一兩 瓦菘 三錢 輕粉 一錢 樟腦 一錢 各為末

先以甘草 三錢 桂枝 二錢 煎湯洗之烘乾以熊油

調各末搽而烘之一日三次一連三日即愈

疥瘡 附膿窠瘡

疥與膿窠瘡多生于兩手兩足然亦有遍身俱生者膿窠瘡癢多于痛若疥瘡但癢而不痛者也故疥之病輕而膿窠之病重大約疥瘡風熱也膿窠血熱也風熱者濕少血熱者濕多二症俱有濕故皆有蟲也使氣血兩旺斷不生蟲故治此等之瘡必須補氣補血佐之去風去濕則蟲且自亡安能作崇乎正不必妄用薰洗之藥也洗法尚無太害倘氣血大衰之人輕用薰藥必傷肺矣外瘡雖愈而火

毒內攻往往有生肺癰者不可不慎也

加減八珍湯 治疥瘡膿窠

人參 一錢 當歸 三錢 白芍 二錢 生甘草 一錢

茯苓 三錢 白朮 五錢 黃芪 三錢 熟地 五錢

生地 五錢 柴胡 一錢 川芎 八分 天花粉 二錢 水煎服

先用六劑去柴胡加北五味子十粒再服六劑無

不盡愈如有火者加黃芩二錢

輕桃丸 岐天師傳治疥瘡

輕粉 一錢 白微 二錢 防風 一錢 蘇葉 一錢 各為細

未用油胡桃肉

三錢

搗碎研絕細同猪板油再搗

成圓彈子大擦瘡處一二日即愈

坐板瘡

坐板瘡生于兩髻之上髻乃脾經之所屬也脾屬至陰而
髻又至陰之地脾經血少血少則易生熱矣血少而熱又
加濕氣侵之則濕熱兩停鬱久不宜髻乃生瘡矣此瘡最
癢而兼痛治宜健脾以生氣使氣旺則血易生氣血漸生
則濕自下行從膀胱而分散水濕既利而熱又何存毒又
何在乎外用藥治之奏效更速倘氣血不甚虛者不須內

治惟外治可也

加味五苓散 內治坐板瘡

白朮 五錢
茯苓 三錢
澤瀉 二錢
猪苓 一錢

肉桂 二分
黃柏 一錢
水煎服

濕熱兩治散 外治坐板瘡

蘿蔔種 一兩
火煨存性為末敷于新瓦上煨微熱

坐于其上數次自愈或以灰莧燒為末摻于瘡上

數天即愈

松黃散 治坐板瘡

松香 五錢

研細雄黃 一錢

研細濕瘰加蒼朮

三錢

各爲末綿紙撚成條蠟猪油浸透燒取油搽上立
愈

喉閉蛾瘡

此生于咽之上也其瘡有二一雙蛾一單蛾也雙蛾單蛾
之症亦有二一陰症一陽症也二症雖異而火則一也然
而火有陽火陰火之分陽火者實火也陰火者虛火也咽
喉乃至命之關此處生蛾瘡俱是危症然陽火勢若重而
實輕陰火勢少輕而反重蓋實火可以寒散而虛火必須

溫散也倘治之得其道效應如嚮

破噤湯

治陽症雙蛾單蛾喉痺等症如神

桔梗 三錢 甘草 二錢 柴胡 一錢 白芍 五錢

玄參 三錢 麻黃 一錢 天花粉 三錢 山豆根 一錢 水煎服

一劑咽喉寬再劑盡消

引火湯

治陰症雙蛾單蛾喉痺等症

熟地 三兩 巴戟天 一兩 茯苓 五錢 麥冬 一兩

北五味子 二錢 水煎服一劑火下歸二劑全愈二方已

破未被俱可用不必用針吹藥點治之也

兩地湯 伯高太師真君傳治喉腫大作吐痰如湯

口渴求水雙蛾纏喉風癢

熟地 一兩 生地 一兩 玄參 一兩 肉桂 三分

黃連 三錢 天花粉 三錢 水煎服下喉即愈

再生丹 治雙蛾單蛾初起久患以及喉痺等症

桔梗 一分 硼砂 一分 山豆根 一分 生甘草 一分

牛黃 一分 荆芥 一分 研絕細末用鵝翎搗藥五厘

吹入蛾處日六次痰涎出淨即愈神方也

治單蛾雙蛾

雄黃明礬各等分研絕細末吹入喉中俟痰涎流
淨不必吹藥矣

大麻風

大麻風感受火毒殺物之風氣而結成之者也初生之時
頭面身體先見紅點後變紅斑漸漸皮破汗流而成瘡矣
鬚眉盡落手足指脫眼瞎鼻崩毛豎身紫遍體腐爛流膿
流血臭穢難聞最可憐之病也此病南粵最多以地近炎
荒蛇蟲蟠結濕熱之毒一犯則髮結于皮膚濕蒸之氣一
侵則藏遏于肌骨終年不散內外交迫遂生麻風之瘡然

而此瘡亦有不在南粵而生者別感火邪酒濕之毒氣而
又房事不慎則毛竅盡開易于侵犯治之不得法皆與府
風症相同可見麻風之病南北俱有必以解毒爲先然而
近人元氣虛者甚衆止瀉其毒而不兼補氣血則毒敗而
真精隨耗何能全活乎倘惟事補正而不急敗其毒又恐
引邪入內致崩臟腑亦可畏也故當補正散邪兼而治之
始易奏功

掃癘丹 岐天師傳治頭面身體先見紅點塊文流

水成瘡髮眉墮落遍身腐爛臭穢

蒼朮 三錢
熟地 一兩
玄參 一兩
蒼耳子 三錢

車前子 二錢
金銀花 二兩
薏仁 五錢
水煎服二十劑必

愈

黃金湯 伯高太師傳治初起大麻風

大黃 五錢
金銀花 半斤
水煎汁三碗分作三次一月

服完必然大瀉惡糞後單用金銀花 三兩
連服十

日全愈

解癘仙丹 治酒濕感毒而生大麻風神效

茯苓 三錢
白朮 五錢
薏仁 五錢
黃連 一錢

玄參 一兩
金錢花 三兩
柞木枝 三錢
水煎服連服二十

劑已爛未爛俱愈

漆甲散

川山甲 一副
全明雄黃 四兩
為末真生漆和勻刷

在甲上微炙微刷以盡為度將川甲分記上中下

左右共作六硯各另研細末用四年陳醋冬米飯

為丸每服 五錢
白滾湯送下患左用左患右用右

上服上中服中下服瀆記分白如在通身一起製

服神效

蛇窠瘡

蛇窠瘡生于身體臍腹之上下左右本無定處其形象宛如蛇也重者爛深輕者腐淺亦有皮肉蠕蠕暗動欲行而不可得也此瘡或穿著衣服棄于地上爲蛇所遊或飲食之中蛇涎沾染其毒未散因人氣血尚壯不傷臟腑乃發于皮膚耳重者毒重而痛甚輕者痛猶可受治法不必問其重輕總以解毒爲神也前人用松針刺其初起之瘡頭尚非治之善者大約以蜈蚣浸油頻搽以雄黃白芷佐治實得法也

蜈蚣油 巫彭真君傳治蛇窠瘡兼治蛇咬傷成瘡

俱神

蜈蚣十條為末不可經火白芷三錢為末白者佳

雄黃三錢為末生甘草末三錢香油二兩將三味

浸之三日或隨浸調搽皆能建功也

蜘蛛瘡

蜘蛛瘡生于皮膚之上如水窠髮鬣其色淡紅微痛三三兩兩或一羣攢聚宛似蜘蛛故以蜘蛛名之此瘡雖輕然生十皮膚終年不愈亦可憎之瘡也或謂濡濡蜘蛛之尿而

生者其說非是大約皆皮膚之血少而偶露毒氣濕氣遂
生此瘡耳方用苧麻在瘡上擦搓使其瘡破水出後用藥
擦之自易愈也

解蛛丹 治蜘蛛瘡

苧麻根灰 三錢 水片 二分 輕粉 五分 搗出雞蛋殼

燒灰 一錢 燈草灰 二分 白明礬 三分 共研細搽瘡

上卽痊然必湏用苧麻擦皮破搽藥效之神也

陰陽濕痰瘡破瘡

陰陽濕痰瘡皆傷寒 寒熱鬱而生痰痰不能驟消于

臟腑留而不散久之結于肌肉遂成痰塊塊久則腫腫久則痛痛久則潰潰則成瘡矣但其瘡有陰陽之分陽瘡多生于兩手陰瘡多生于兩足陽瘡則熱陰瘡則寒熱者病在陽腑寒者病在陰臟也故治手上之瘡者宜治其陽之熱經而佐之云濕化痰之品治足上之瘡者治其陰之寒經而佐之去濕化痰之味無不收功也前人專用艾火灸之尚非正治耳

通陽消毒湯 巫彭真君傳治陽濕痰破瘡在手者

茯苓 三錢

神麩 一錢

硝砂 一錢

甘草 一錢

麻黃 五分
白木 三錢

黃栢 一錢
天花粉 三錢

黃芪 五錢
蒲公英 三錢

水煎服如已潰者用冲和膏

貼瘡口自愈

治陰化濕湯 巫彭真君傳治陰濕痰破瘡在足者

白木 五錢
茯苓 五錢
肉桂 二錢
附子 一錢

黃芪 一兩
半夏 三錢
水煎服如已潰破者用玉龍

膏外敷之內外兼治則易愈也

傷寒有大渴之症貧家無力買藥或富家誤用藥餌惟以飲水止渴為事雖火為水折胸膈之炎熱少除而水多難

化未免留滯下焦停積成淤而兩足之氣不通濕熱生瘡
久則破爛筋弛肉腐而兩足墮落矣此等之瘡非尋常藥
味些小分兩可以保全者

全活湯 巫彭真君傳治傷寒愈後兩足生瘡流水

流膿神效

白朮 三兩

蒼朮 二兩

肉桂 一錢

薏仁 二兩

車前子 五錢

人參 一兩

如貧家用黃芪 二兩

水煎服

一連服十日不特兩足之爛可除而餘生亦可全

活

楊梅疳瘡

楊梅疳瘡生于龜頭之上者多生于穀道玉莖上者少生于鼻內者更少皆熱毒之氣也風流子弟何忽生此瘡平日所食者肥甘所衣者輕煖何傷此熱毒乎蓋得之于嫖妓與有毒之女兩相酣戰而中毒也妓女何毒重如此亦遇毒感毒耳泄精之時自覺馬口之間如針刺痛此毒氣來犯矣重則生魚口輕則生疳瘡疳瘡乃楊梅先兆也當酣戰之時本難中毒然而鼓勇而鬪內火沸騰及至泄精元氣虧損毒氣卽乘虛而入內火與毒氣之火兩相和合

而不化故生疔瘡不補虛而惟事敗毒則已虛益虛無異
下石未有不滿身生瘡者矣治法內用二生湯外用保身
散治之即愈苟或不然變出非常非玉莖爛落即鼻柱塌
陷破壞面目可畏哉

二生湯 岐天師傳治初生疔瘡

生黃芪 三兩 土茯苓 三兩 生甘草 三錢 水煎服外用藥敷

六

保身散 巫彭真君傳外治疔瘡

輕粉 一錢 黃柏 五錢 乳香 一錢 水粉 三分

同三恩音
楊梅圈瘡

孩兒茶

三錢

百草霜

一錢

冰片

三分

各為末猪膽調搽

楊梅圈瘡

楊梅圈瘡此楊梅瘡發已久將要結癩而復犯房事以致作痛生圈此等治法必須大補氣血氣血足而精生精生則臟腑還元而瘡自結癩矣不可悞認毒之未淨而仍用敗毒之劑也一用敗毒更傷損氣血終無奏功之日矣惟內用大補之藥外用調搽之末便易收斂且慶安全也

加味十全大補湯

祖傳方內治楊梅圈瘡

人參 二錢
 當歸 三錢
 白朮 三錢
 茯苓 二錢

生甘草 二錢 黃芪 三錢 肉桂 三分 川芎 一錢

熟地 五錢 柴胡 五分 土茯苓 五錢 水煎服十劑虛甚

者多服為妙

紛霜神丹 外治楊梅圈瘡

粉霜 一錢 人參 一錢 生甘草 一錢 冰片 三分

輕粉 一錢 丹砂 一錢 石膏 二錢 槐米 一錢 各研細末猪膽

調搽愈

楊梅結毒

楊梅之瘡多生于嫖妓聞人毒氣而生者其毒即發不生

于玉莖馬口之間也惟嫖妓而得之必從王莖始以毒自
此入則瘡亦自此興倘初生下疔卽用徧德湯大劑吞服
不特疔瘡頓愈而楊梅之瘡亦必不生卽生亦輕少斷無
結毒之禍無奈世醫不知此方之妙妄用藥餌惟識敗毒
不雜用補氣補血之味以致難于收功而風流子弟厭惡
生瘡且歸咎醫生亟請收斂醫生貪圖厚謝不補氣以祛
邪不補血以化毒竟用輕粉之類以收斂之毒入骨髓不
敢外發一時瘡淨亦爲可喜子弟甘謝而無怨言醫生樂
酬而生德色苟仍補其氣而加之暗消之品終年累月

而服之則元精既足元氣自旺毒難內存猶能外泄無如
子弟既苦于服藥而醫生亦倦于防危彼此相忘竟置之
不論不議之天誰知收斂之後不知保守縱慾如故而毒
難久留或半年或二三年乘何臟腑之虛乃突而外攻矣
大約毒結臟腑之虛俱是難救之瘡而結于鼻與玉莖者
尤爲難救

徧德湯 伯高太師傳治下疳楊梅

當歸 二兩 白朮 二兩 生甘草 五兩 土茯苓 一兩

金銀花 四兩 天花粉 三兩 水煎服連服十劑而遍身之

瘡如掃矣

寒水再造丹 伯高太師傳治結毒至鼻爛莖爛者

皆效

麥冬 三兩 生甘草 一兩 桔梗 三小 黃芩 三小

連翹 三小 貝母 三小 土茯苓 二兩 寒水石研細末 三小

夏枯草 二兩 水煎汁二碗調寒水石末服倘鼻尚未

落一劑不爛落也如已爛落一劑不再爛也二劑

全愈倘結毒生于他處減半多服無不奏效

翻花楊梅

此瘡亦感淫毒之氣也視其瘡勢若重其毒反輕蓋毒欲盡情出外也古人云是濕熱表虛表虛則有之不可全歸于濕熱也總皆毒氣外發因表虛而反熾誰知因熾而補其表則表實而毒難藏轉易收功也惟是表虛不可再貪色慾不獨傳其毒而害人且虛其虛而自害故必須節飲食戒惱怒而斷房帷斷無意外之虞外用點藥敷之自奏功如神矣

黃芪外托散 家傳治翻花楊梅瘡

黃芪 一兩
當歸 三錢
人參 三錢
茯苓 五錢

土茯苓二小 白芍五小 生甘草三小 白礬二小 水煎服

四劑重者十劑外用藥調搽即愈

地龍粉霜丹 祖傳方外治翻花楊梅瘡

粉霜二小 蚯蚓糞一兩 火焙乾 百草霜三小

輕粉二小 黃丹三小 飛過 生甘草二小

冰片二小 黃栢炒二小 胡粉二小 各為細末點搽自

愈

陰陽楊梅瘡

楊梅瘡有陰陽之分古人以陽屬氣虛而感毒陰屬血虛

而感毒實為有見非無稽之語也陽必高矣陰必低陷陽必痛陰必癢而其色皆紅也故陽宜用補氣之藥而佐之化毒之味陰宜用補血之藥而輔之消毒之品然後外以末藥調搽豈難速愈乎

六君加味湯 治陽楊梅色紅作痛而高突者神效

人參 五錢
白朮 五錢
半夏 一錢
生甘草 三錢

茯苓 三錢
陳皮 五分
土茯苓 一兩
金銀花 一兩
水煎服

十劑愈

加味四物湯 治陰楊梅色紅不起不破作癢者神

效

熟地 五錢 川芎 二錢 當歸 五錢 白芍 一錢

白茯苓 二錢 生甘草 二錢 金銀花 一兩 天花粉 二錢

土茯苓 一兩 水煎服二十劑愈

丹砂斂毒丹 外治陰陽楊梅瘡兼治疔瘡

丹砂 一錢 雄黃 二錢 粉霜 一錢 孩兒茶 三錢

露蜂房燒灰 五分 冰片 三分 生甘草 一錢

輕粉 一錢 各為細末猪膽調搽自愈

楊梅癰瘡

此乃女子感染男子餘毒而生者也或前已生瘡用藥既
痊偶食牛肉或洗浴當風抓癢或行房事以虛其皮膚毒
結不散乃生癬矣或血乾而起白屑或內碎而流紅水以
致淋漓臭穢者有之用蝸牛栢霜散原易奏功然內不服
藥以補虛則氣血雙虧外難卽愈必須內外兼治否則日
久不痊必生虫蝕反難速瘥也

雙補什毒湯 岐天師傳內治楊梅癬

天花粉 二錢
當歸 五錢
黃芪 五錢
柴胡 一錢

生地 三錢
麥冬 三錢
天冬 三錢
荆芥 一錢

五分

威靈仙 二錢 白蘚皮 一錢 胡麻 二錢 槐角 二錢

乳香末 一錢 生甘草 二錢 水煎十劑外用末藥搽之必

愈

蝸牛栢霜散 岐天師傳外治楊梅癬

黃栢 二錢 沒藥 一錢 輕粉 一錢 粉霜 一錢

雄黃 二錢 冰片 三分 丹砂 五分 孩兒茶 三錢

枯礬 一錢 蝸牛十個各為末猪膽調搽日數次搽

三日漸愈神效

楊梅瘡子

其瘡細小亦是淫毒與大者相較其毒尚輕蓋其人氣體壯實感毒不重故瘡亦不惡也急用內托之藥十數劑則毒易散而痘亦易回倘恃強而仍然漁色則氣血雙耗必至輕變爲重矣輕旣可以變重安在重而不可以變危乎揔之楊梅之瘡毋論輕重必須速治加之絕慾則病去如掃無如世人好色甚多服藥甚倦遂至變生不測也鐸有神方因載于後聽世採取耳

早奪湯

岐天師傳治初出楊梅瘡痘神效

人參

一兩

生黃芪

一兩

茯苓

一兩

當歸

一兩

遠志 三錢
生甘草 三錢
金銀花 兩
大黃 一兩

石膏 一兩
柴胡 二錢
白木 一兩
天花粉 三錢

水煎服一劑大瀉惡物臭穢不堪再服二劑毒盡

去矣去大黃石膏加土茯苓 二兩 同前藥再服四

劑必有瘡影發于滿身在皮之內而出于皮之外

也再服二劑全愈

外表湯 治楊梅瘡子

黃芪 一兩
當歸 五錢
麥冬 五錢
金銀花 一兩

天花粉 三錢
木通 一錢
澤瀉 二錢
柴胡 二錢

黃芩

二錢

生甘草

二錢 水煎服

齒窟瘡

齒窟瘡因傷損齒牙其齒墮落而成者也蓋人齒最深其

窟甚大氣血盛而易于長滿氣血虛而艱于生合其症高

年老人尤多夫齒雖有臟腑之分而根實出于腎也高年

老人腎精耗竭無不虛者所用飲食止可生氣生血不能

生精精少則腎氣不生而腎血又何易生乎此齒窟之更

難填實也况兼貪饕或用硬物磕破少合而重傷畧滿而

再損疼痛切骨連心者往往然也內用加味地黃丸以填

其精外用填齒散脩之自然精不涸而氣血相助則齒窟不至空缺也卽不生齒而生肉必速矣

加味地黃丸 內治齒傷成窟

熟地 五錢 山藥 三錢 山茱萸 二錢 茯苓 二錢

骨碎補 二錢 補骨脂 二錢 丹皮 二錢 當歸 五錢

麥冬 三錢 澤瀉 一錢 氣虛甚者加人參 五錢 水煎

服以齒滿為期

填齒散 外治齒窟

人參 一錢 骨碎補 一錢 三七末 一錢 同川蒺藜 二錢

乳香 一錢 鼠脊骨末 一錢 各爲末用黃蠟化開團

成丸如齒窟大填入隙數日卽愈如蠟化頻填自
愈

胎湯皮瘡

胎湯皮瘡初生嬰兒所長之瘡也有肉無皮視之可痛蓋
母食五辛之味或餐燔熬炙燂等物或父母有瘡而坐孕
往往生無皮之子然而傷熱而生之者其病輕受毒而生
之者其病重重者母子必須同服化毒之藥則皮生而兒
無死亡之禍否則無不夭者若因食熱物而生者雖半體

頭面皆無皮不必母子同服解毒之藥但用白芨雄黃散敷之自安也

全蝎生皮散 岐天師傳治父母生瘡因產胎濕皮

瘡之子者此方主之

全蝎 一兩

生黃芪 四兩

金銀花 八兩

生甘草 一兩

麥冬 四兩

各為末蜜為丸每日服五錢子服三丸

一料全愈

白芨雄黃散

岐天師傳治食五辛熱物子生濕皮

瘡神效

白芨

一兩雄黃末

三錢

各為末摻之自然生皮且又不痛

即愈

洞天奧旨卷之十一

山陰陳士鐸敬之甫號遠公著

曾孫陳鳳翔撰

會稽陶式玉尚甫號存齋評

玄璿方湖浪校

風熱瘡

風熱瘡多生于四肢胸脇初起如疔瘡癢而難忍爬之少快多爬久搔未有不_{成瘡者甚則鮮血淋漓似疥非疥乃肺經內熱而外感風寒寒熱相激而皮毛受之故成此症也世人以防風通聖散治之亦有愈者然鐸更有治其外}

而自愈紀之以便不願服藥之男婦也

三聖地膚湯 岐天師方

地膚子 一兩
防風 二錢
黃芩 三錢
煎湯一大碗加

猪膽二個取汁和藥同煎以鵝翎掃之即止癢瘡
止而瘡亦盡愈

黃水瘡

黃水瘡又名滴膿瘡言其膿水流到之處即便生瘡故名
之也此瘡生在皮毛之外不在肌肉之內雖是脾經濕熱
亦由肺經乾燥脾來顧母本以濕氣潤母也誰知此濕有

熱熱得濕而生蟲欲救母而反害母之反膚也治法內服
除濕清熱之藥而佐之涼血之味血涼而熱退熱退而水
更清亦易行也濕熱兩除何蟲不死又得外治以解其鬱
毒又何能長存乎故隨洗而隨愈也

安體散 岐天師方內治黃水瘡

茯苓 三錢 蒼朮 二錢 荆芥 二錢 防風 一錢

黃芩 一錢 當歸 五錢 蒲公英 二錢 半夏 一錢 水煎服

四劑

解丹 岐天師傳外治黃水瘡神效

雄黃 五錢
防風 五錢
荆芥 三錢
苦參 三錢
水煎湯

取二碗洗瘡即愈

粉黃膏 章雲樵傳治黃水瘡

蛤粉 一兩
石膏 五錢
輕粉 五錢
黃栢 五錢
共爲細

末暑天用無根水秋冬用麻油調敷

傷守瘡

傷守瘡者言不守禁忌也凡生瘡毒必須堅守房帷無論大小皆宜如此大瘡毒而不守禁忌必致喪亡小瘡毒而不守禁忌必至痛苦今名傷守者猶言小瘡癩也醫生錯

云傷手豈搔抓能害之乎凡犯色慾其瘡口必黑黯通如
刀割腐爛必深非止補精血神氣萬難奏效內服加味補
中氣湯或加味十全大補湯以補之外用末藥敷之始可
轉危為安變死為生也

補中益氣加金銀花湯

祖傳治不慎色慾

人參 五錢

黃芪 一兩

柴胡 一錢

升麻 五分

生甘草 一錢

當歸 五錢

陳皮 五分

白朮 五錢

金銀花 一兩

加棗 二枚

水煎服如虛極者倍加參芪

歸米寒虛者加附子肉桂各 一錢

餘不必加

加味十全大補湯 祖傳治傷守瘡

熟地 一兩 川芎 二錢 當歸 五錢 生黃芪 一兩

白朮 五錢 茯苓 二錢 甘草 一錢 肉桂 一錢

白芍 二錢 人參 二錢 金銀花 一兩 水煎服

救敗丹 岐天師傳外治傷守

人參 二錢 三七根末 三錢 孩兒茶 三錢 乳香 一錢

白僵蠶 二錢 輕粉 一錢 髮灰 二錢 各為細末 參于膏

藥內貼之若不用膏藥者乾滲妙猪油調搽亦妙

手足了毒瘡

手足了毒瘡雖生于手足名同而了宜辨也生于手了者
屬手經生于足了者屬足經然手足亦宜辨也生于手足
之背了者是三陽經生于手足之掌了者是三陰經看其
何經而用何經之藥托裡調中更加引經之味則計日可
以奏效矣倘內既服藥而外復加敷藥以箍其毒則毒不
走散一出膿而即安尤治法之神也手足了毒近于丹穴
最宜早治萬勿因循至輕變為重也

全消飲 岐天師傳治手足了毒瘡

當歸 三錢

生黃芪

三錢

紅花

一錢

生地

三錢

荆芥葉 一錢五分 貝母 一錢 茯苓 二錢 黃栢 二錢

地骨皮 三錢 菊花根 一把 水煎一碗急服數劑無不內

消若失治一至潰爛多費時日矣然肯服此方亦

不大潰

鑑毒神丹 岐天師傳外治手足了毒瘡

地榆 二錢 天花粉 一錢 菊花根 一把 生甘草 一錢 芙蓉

葉 十四葉 蒲公英鮮者 一把 將乾研末搗鮮藥取汁

調之敷上則毒不走開內自化矣

胎毒瘡

胎窬瘡乃初生小兒背上或有一二孔也此等小兒明是
臟腑不足少氣少血以長皮肉也倘雖有孔窬而肉膜遮
護猶有生機急用氣血竣補湯大劑與母吞服兒食其乳
尚有生機再嚼人參三七之片數分填于孔窬之內則氣
血壯旺生皮亦速也苟孔窬之中無有脂膜洞見臟腑數
日卽死救之亦無益也總補母之氣血一時填隙而兒之
先天大缺僅可延數年之日月不能享百歲之光陰也

氣血竣補湯 治見生胎窬瘡

黃芪 一兩
當歸 一兩
白 五錢
川芎 五錢

紅花 五分 益母草 錢一 水煎服二十劑至月餘後可

服補中益氣湯數十劑

濕毒瘡

濕毒之瘡多生于兩足非在足脛卽在足踝非在足背卽在足跟其故何也蓋濕從下受而兩足親于地故先受之也夫水濕之氣寒冷者多而一入人身之內則人氣熏蒸必變爲熱濕熱相合內必生蟲故初起之時微癢者正蟲之作崇非止氣血之不和也治之法必瀆去濕爲主而少加殺蟲之味則愈病甚速轉不必解其熱也蓋濕解而熱

自散况生瘡既久流膿流水氣血必虛安在熱存乎此除濕之所以神也

除濕解毒湯

祖傳治濕毒足瘡

白朮 五錢

山藥 五錢

薏仁 五錢

金銀花 一兩

肉桂 三分 澤瀉 二錢

烏梅根一把水煎服十劑自

愈如未愈者再用龍馬丹傳之妙

龍馬丹

岐天師傳統治濕毒瘡

馬齒莧 二錢

黃栢 五錢

陳年石灰 二錢

輕粉 一錢

地龍糞 三錢

伏龍肝 二錢

黃丹 三錢

赤石脂 三錢

各為細

濕毒瘡

未審調敷之一二次卽愈

火丹瘡
附赤白遊風

火丹瘡遍身俱現紅紫與發斑相同然斑隨現隨消不若
火丹一身盡紅且生瘡也發斑熱鬱于內而發于外火丹
熱鬱于外而趨于內發于外者有日散之機趨于內者有
日深之勢故發斑輕而火丹重然而火丹有二種一赤火
丹一白火丹也赤色皮乾白色皮濕似乎各異而熱鬱于
皮毛之外由外而入內則赤白無異也大約赤者純是肺
經之火熱若色帶白乃是脾經之火熱也故赤者竟解肺

經之熱補水之不足以散火之有餘此消丹飲之爲妙也
白者解脾經之熱利水濕之氣從膀胱而下走不必又去
外逐皮毛蓋濕氣之盛在脾而不在肺耳此桑白分解散
之所以妙也更有一種赤白遊風往來不定小兒最多此
症有似發斑但發斑有一定之根而赤白遊風無一定之
包此胃火鬱熱不解故亦結瘡而不愈治之法必須清熱
而清熱又必須涼血蓋血寒則凝滯不行雖火得血而可
止終不能散火此清火消丹所以妙也三症分而治之自
有奇驗正不可混耳

消丹飲 岐天師傳治紅紫火丹

玄參 三兩 升麻 二錢 麥冬 一兩 桔梗 二錢

生甘草 一錢 水煎服一劑丹化為無矣小兒減藥之

半

桑白分解散 伯高太師傳治白火丹

薏仁 二兩 澤瀉 三錢 升麻 一錢 天花粉 三錢

桑白皮 三錢 神麴 三錢 水煎服小兒減藥之半

清火消丹湯 岐天師傳治赤白遊風丹

生地 一兩 丹皮 三錢 甘草 一錢 玄參 三錢

牛膝 二錢

赤芍 三錢

天花粉 一錢

水煎服二劑消半

四劑全消小兒減半赤遊丹又可外治用積年胎衣所化之水和金汁塗之即消神效

經驗方

外治小兒丹毒皮膚熱赤

寒水石

五錢

白土

一分

為末米醋調塗之

內丹

內丹者生赤色于皮毛之內而外不十分顯出也點燈照之若用紗裹硃砂而透明故以內丹呼之此等之丹得于胎熱其母受胎之後不忌熱物信口貪食或感夏天風熱

或好色浪戰皆能助火火邪內攻胎受其毒而傳氣于小
兒乃發爲丹毒也此火欲出而不得遽出隱隱外突于皮
毛倘發于腰臍而作痛或大小便閉結不通皆死症也苟
生于淵液京門等穴或左或右尚非死症以熱在膽經而
不在腎經也方用荆芥祛風湯實可救治然救之亦必須
早蓋內丹不早治亦必死耳

荆芥祛風湯 伯高太師傳治內丹

荆芥 二錢
甘草 一錢
半夏 五分
麥冬 五錢

當歸 三錢
白芍 三錢
水煎服數劑愈

散丹湯 岐天師傳治火丹

當歸 三錢 生甘草 錢 赤芍藥 三錢 大黃 一錢

丹波 二錢 柴胡 八分 黃芩 一錢 水煎服二劑愈

飛竈丹

小兒丹毒有十種一飛竈二吉竈三鬼火四天火五天竈
六水激七胡次八野火九烟火十胡漏也皆父母胎毒所
成治症必湏辨明不可混治丹症原是難治之病况又辨
之不明妄用藥餌安得十全且名丹不依症早治攻人腸
胃十無一生可不慎乎飛竈丹者從頭頂上紅腫起此火

毒在泥丸也本是難救然急用葱白搗自然汁調白芨炒黃栢塗之卽消又不可不知也

芨栢散

白芨

三錢

黃栢

三錢

炒各爲細末急用葱白搗爛

取自然汁塗在泥丸頂上一晝夜卽消

吉竈丹

吉竈丹從頭上向腦後紅腫者是亦有腫而作疼者尤爲可畏是足太陽膀胱風熱故作痛也更有渾身作熱者內宜服防風通聖散加減治之外宜用紫荊散調搽自愈

防風通聖散 世傳方

防風 荆芥 連翹 麻黃

薄荷 川芎 當歸 白芍

白朮 山梔子 大黃 芒硝

黃芩 石膏 桔梗 甘草

滑石 等分 水煎服

紫荆散

紫荆皮 一錢
赤小豆 一錢
荆芥 一錢
地榆 一錢
各等分

爲細末以雞子清調塗神效

鬼火丹

鬼火丹先面上赤腫後漸漸出頭而下至身亦赤腫也是
手足陽明經內風熱治宜用白虎湯以瀉胃熱加防風荆
芥薄荷桑白皮葛根以散其風引其從皮毛而外散也然
大腸亦熱何故不瀉大腸之火不知胃之火甚于大腸胃
火散而大腸火亦散不必又治之也但外用伏龍散末以
雞子清調搽尤妙

白虎加味湯 世傳方內治鬼火丹

石膏 二錢
知母 一錢
麥冬 三錢
半夏 一錢

防風 五分 荆芥 二錢 薄荷 一錢 甘草 一錢

桑白皮 二錢 葛根 一錢 竹葉三十片水煎服二劑

伏龍散 家傳外治鬼火丹

伏龍肝末 三錢 炒黃柏 三錢 為末雞子清調搽神效

天火丹

天火丹從脊背先起赤點後則漸漸赤腫成一片是腎督脈中熱毒兼足太陽經風熱宜治腎而并治膀胱為是不可純用防風通聖也外用桑榆散外敷則得之矣

解苦散 岐天師傳內治天火丹

玄參 五錢
生地 五錢
羌活 一錢
黃柏 二錢

白茯苓 三錢
升麻 五分
丹皮 三錢
水煎服四劑自散

桑榆散 家傳外治天火丹

地榆 二錢
桑白皮 二錢
羌活 一錢
玄參 三錢
各爲細

末羊脂溶化調塗

天竈丹

天竈丹從兩臂起赤腫少黃色或止一臂見之皆手陽明
經風熱內服解毒之藥外用柳枝燒灰爲末水調塗之亦

易愈也蓋天竈丹乃丹毒之最輕者故亦可輕治之耳

輕解散 岐天師傳內治天竈丹

防風 五分 麥冬 三錢 生地 三錢 桑白皮 二錢

黃芩 一錢 柴胡 八分 白芍 三錢 天花粉 五分 水煎服

二劑

柳灰散 家傳外治天竈丹

柳枝燒灰 五錢 荆芥炒末 二錢 滑石 三錢

生甘草 二錢 爲末水調塗之即愈

水激丹

水激丹初生于兩脇虛腫紅熱乃足少陽膽經風火也此

丹亦熱之輕者治膽經之火而去其風可計日而痊也方
用加味小柴胡湯治之最神外更以敷藥塗擦又何慮乎

加味小柴胡湯

柴胡 一錢
半夏 五分
甘草 五分
黃芩 一錢

陳皮 三分
白芍 二錢
防風 五分
荆芥 一錢
水煎服

數劑丹消

缺屑散

生缺屑 二錢
母猪糞燒灰 二錢
和蠟水調塗妙

胡次丹

胡次丹先從臍上起黃腫是任經濕熱也去其熱濕而丹
毒自散古人用三黃解毒湯未免過峻恐小兒氣虛難受
鐸受異人之傳另用化濕飲方治之尤覺安穩更用栝榔
外治萬無一失也

化濕飲 岐天師傳內治胡次丹

白朮 十個 白朮 一錢 黃栢 二錢 山藥 二錢

茯苓 三錢 澤瀉 一錢 木通 一錢 赤芍 二錢

荆芥 一錢 天花粉 一錢 水煎服

栝榔散

檳榔爲末二錢 生甘草一錢 米醋調搽自愈

野火丹

野火丹從兩腿上起赤腫痛甚如火之燒乃足陽明胃經風熱也內服涼膈散加減外以羊脂調末藥塗搽自易愈也此丹雖火盛極不可信是胃經熱熾竟用石膏湯與瀉黃散也恐小兒脾胃欠實不禁大瀉反恐胃氣損傷轉難救耳

涼膈散 世傳內治野火丹

連喬二錢 大黃一錢 芒硝五分 甘草一錢

梔子 二錢
黃芩 二錢
薄荷 一錢
茯苓 一錢
水煎服

二劑

消腫散 岐天師傳外治野火丹

乳香 一錢
白芨 一錢
火丹草 一錢
各為末羊脂調

塗妙

烟火丹

烟火丹有從兩足跗起赤色腫痛乃足三陽經風熱也亦有從足底心起乃足少陰腎經太熱也內宜服滋陰抑火之藥使水旺足以制火也外以末藥兼治為妙

抑火制陽丹 岐天師傳內治烟火丹

玄參 五錢 菴菴草 二錢 黃栢 一錢 生地 三錢

熟地 一兩 丹皮 三錢 細甘草 一錢 沙參 二錢

牛膝 一錢 金釵石斛 二錢 水煎服

栢土散 家傳外治烟火丹

猪槽下土黃栢末蜜調塗之自愈

胡漏丹

胡漏丹從陰上起黃腫皆厥陰肝經虛火發于外也內宜服補陰清火散風之藥外用末藥調搽可愈倘用膏歸龍

膏九與瀉青散皆不能成功耳以上丹症小兒百日內發者不論是何丹皆胎毒也三日內治之皆可救遲則無及矣倘百日之外生丹者遲尚不至于死亡然亦必須急治不可令其入腹一入腹亦難救故腹脹不飲乳者必死無疑蓋丹症能食乳者皆可治療以其胃氣之未絕也更有一種紅線痛者尤難救援以父服熱藥遺熱在胎非藥所能解耳

清散湯 岐天師傳內治胡漏丹

白木 一錢
茯苓 一錢
甘草 五分
當歸 二錢

炒梔子

一錢

荆芥

一錢

防風

三分

生地

二錢

麥冬

二錢

黃栢

一錢

水煎服

屋土散

岐天師傅

外治胡漏丹

瓦上陳土炒黃栢生甘草各研細末蜜與醋同調

塗即消

粉癭瘰

癭與瘰雖俱生于肌上而癭生于頸下瘰則不止生于頸也癭則不破瘰則久而破者多矣癭感沙水之氣皮寬不急起超然也古云癭有三種一血癭一肉癭一氣癭血可

破肉可割氣可針其實三種俱宜內消不宜外治惟癰則可外治也然亦有宜有不宜者大約粉癰宜用外治蓋粉癰大而必軟久則加大似乎有膿而非膿也乃是粉漿藏于其內擠出宛如線香焚後之滓又受水濕之狀如已破矣必擠淨後用生肌藥搽之不再生否則仍復長也初生此癰必須治之如不治日必大甚亦被其累當用艾灸斗數壯卽以醋磨雄黃塗紙上剪如螺螄蓋大貼灸處外用膏藥貼一二日一換擠出其膿必愈妙法也

消癭散

岐天師傳 統治各癭

海藻 一錢
龍膽草 一錢
昆布 五分
土瓜根 二錢

半夏 一錢
小麥麵 一撮
甘草 一錢
乾薑 五分

附子 一片
水煎十劑必散

化瘦丹 仲景夫子傳治諸癭

海藻 三錢
桔梗 三錢
生甘草 一錢
陳皮 一錢

半夏 三錢
茯苓 五錢
水煎服

筋癆骨癆石癆

筋癆者乃筋結成于體上也初起之時必然細小按之乃筋也筋畜則屈屈久成癆而漸大矣然雖漸大亦不甚大

也固是筋癰亦無大害竟可以不治置之若至大時妄用
刀鍼往往傷筋反至死亡故筋癰忌割也必要割去亦宜
于初生之日以芫花煮細扣線繫之日久自落因線繫而
筋不能長大或可用利刀割斷輒用止血生肌之藥敷之
可慶安全倘初生根大難用線繫萬不可輕試利刀割斷
也至于骨癰石癰亦生皮膚之上按之如有一骨生于其
中或如石之堅按之不疼者是也皆不可外治或用陷腫
散內治則可

陷腫散

千金方岐天師加減治骨癰石癰

烏賊魚骨一錢 白石英二分 石硫黃二分 鍾乳三分 紫石二分

乾薑一錢 丹參八分 琥珀末一錢 大黃一錢

附子三分 朝燕尿一錢 石礬一錢 水煎服十劑全消

消癰丹 仲景公傳可消諸癰

白木三兩 扶苓十兩 人參三兩 陳皮三錢

生甘草一兩 薏仁五兩 芡實五兩 澤瀉五兩

半夏五兩 各為末米飯為丸常服自消

氣癰

癰何名之曰氣蓋有時小有時大乃隨氣之消長也斷宜

內散不宜外治。隨氣消長亦可隨氣治之。其症不痛不紅皮色與癰處同也。其贅則軟而不硬。氣旺則小氣長。反大氣舒則寬氣鬱則急。故治法必須補其正氣。開其鬱氣。則氣癰自散矣。古人有用枳殼扣其外。以艾火在外灸之。似亦近理。然終非妙法也。不若純用補氣之味。而佐之開鬱散滯之品。卽不全消。亦必不添增其火也。

沉香化氣丸 岐天師傳治氣癰

沉香 一兩
木香 二兩
白芍 四兩
白木 八兩

人參 二兩
黃芪 八兩
枳殼 一兩
檳榔 一兩

茯苓

四兩

香附

二兩

附子

五錢

天花粉

四兩

各為細

末蜜為丸每日服三錢一料全消

外治 仲景張公密傳統治各瘡神效但不可治日

久之瘡也小瘡根細最效

水銀

一錢

兒茶

二錢

共研至無星為度加入冰片

二分

再加入麝香

五厘

再研又入硼砂

五厘

再研

不見水銀始可用此藥敷于瘡處肉瘡血瘡粉瘡

氣瘡俱化為水約三日必消盡然後服消瘡丹每

用一兩

滾水吞服不拘時如筋骨之瘡內外二法

俱不必用蓋二癩無害于人不必治亦不必治也

血癩贅

血癩而贅生于皮外者乃臟腑之血瘀而又有濕氣入于血中故生于外也初生之時亦有細于髮者久之而大矣小者如膽大者如茄以利刃割斷即用銀烙匙燒紅一烙卽止血且不潰不再生也否則復出血癩一月如舊鐸于腋中曾生此癩甚小如也偶爾發癢友人給生八角虱余心疑而更癢自思虱追水銀則死而書齋之中無水銀也曾爲人治下疳方中用水銀乃取而擦腋下甚重至

痛而止夜臥則忘其痛矣早起見席上有血筋一條取觀之乃腋下所生血癩已墮落矣余嘸之不能斷始知前方能去癩也因商酌載之治初起之癩頗多驗

銀銹散 家傳治初起血癩

水銀 一錢
冰片 三分
輕粉 一錢
兒茶 三錢

黃栢 二錢
朝腦 一錢
鏡銹 一錢
貝母 一錢
各爲末

搽擦卽墮落

肉癩贅

肉癩乃于皮上生一瘡宛如肉也初生如桃如粟漸漸加

大如拳其根皆潤大非若血瘤之根細小也不疼不癢不
紅不潰不軟不硬不冷不熱其形可醜而病則不苦也此
等之瘤皆犯神道之忌故生于四體以紀罪愆不妨順受
倘必欲治之用刀割傷用火燒灸不特無功轉添痛楚矣
內托外消散 治肉瘤血瘤粉瘤 張仲景真人傳
蓋濕熱生耳

水銀 一兩
兒茶 二兩
共研至無星爲度 冰片 一錢

輕粉 三錢
麝香 五分
又入硼砂 五分
不見水銀始

可用以此藥敷于痛處肉瘤粉瘤俱化爲水約三

日必消盡然後再服湯藥用人參二錢白朮三錢

茯苓三錢陳皮五分生甘草五分柴胡八分白芍

三錢水煎服十劑永斷根矣如筋痛難治然亦不

必治也骨痛亦不必治終身大如杏也

治肉癰或男婦生在面上頸上手上即可去之

白芷五分人參五分煎湯生半夏十粒泡于白芷

人參之內數日將半夏切平頻擦患處效如手取

但不可治痰血之癰也恐難收口錢又選傳

洞天奧旨卷之十一終